

漢陰廳志卷之八

通判錢鶴年重修

人物志下

孝友

列女

唐

李孝儒

舊志孝儒安康人性至孝讀書見有言孝者輒流涕唐高宗知其名召見封爲遂寧郡公孝儒辭歸養親不欲以富貴移所愛時人重之但稱之曰孝儒遂佚其名

卷之八

孝友

一

按劉煦舊唐書孝友傳凡二十七人歐陽修新唐書孝友有專傳者自趙州李知本以下凡三十五人以名見者自萬年王世貴長安嚴待封凡二百二十二人備書郡邑可謂詳矣而安康獨闕焉且唐旌孝友皆旌表門閭頒賜粟帛使州縣歲時存問復其租賦其見於史所紀遣使就弔拜員外散騎常侍高祖時惟有蒲州安邑張志寬史且備書於冊孝儒封爲郡公豈史佚之而故老猶能傳之耶緬其流風固足以叙彝倫而宏錫類矣顧以歐

宋之收羅猶有遺珠此秦人不死驗符生之厚誣
蜀老猶存知葛亮之多枉劉知幾所以長歎也

明

黨汝孝

隨父進朝刈麥父被虎搏奮力奪免虎猶蹲視大
吼將復搏汝孝礮石擊之虎驚去負父歸療之三
月始愈邑人胡伯墳曰汝孝可謂不負其名矣書
虎口全父贈之

劉夢龍

卷之八

孝友

一一

性純孝父珍病龍待疾寢不解衣躬嘗湯藥父卒
哀毀踰禮既葬廬墓三年寒暑無間事聞上憲給
匾旌之

任道克

事親克孝清議推重邑侯李申請旌表曰齒德兼
隆

楊登

蒲溪舖人有孝行二親疾禱於泰山神曰願修石
橋三處以延親壽及愈遂罄資修橋以濟人漢中

太守項同知李深嘉之爲題橋曰係親獎以詩歌
勒碑茶園溝口

葛希旦

崇正十年流賊陷城於焚掠中負母逃免

汪毓瑾

崇正丁丑城陷負母逃免

國朝

溫士超

字冠夫號鶴亭以乾隆乙酉選貢肄業太學考授

卷之八

孝友

三

教習訓官生侃侃有師道旣報滿以教職需次吏
部時其叔穎令山東德平因過省之見其簿書旁
午非其好也不踰月即歸旣而授甘肅皋蘭教諭
無何逆獬叛與當事晝夜守城城賴以全事平大
府擬上其功力辭之已而以外艱歸叔穎挂吏議
徵官欠割畝助之遂至無恒產十餘年補岐山教
諭其從弟姿超復歿於山東因竭俸儲使子迎其
柩并諸侄歸其篤於族黨蓋天性然也以品行特
延爲鄉飲大賓素工書得之者皆藏弄之

邱 崧

庠生字翠峰六歲而母茹卒崧事祖母及父文選
卽以孝聞越二年父繼娶韓氏甫入門崧卽依依
邴下韓亦善撫之旣就傅母常蓄甘脆餌之而督
學甚嚴崧於定省之餘力自淬厲遂得著籍博士
弟子員旣而父以文學舉介賓年七十餘卒崧哀
毀踰禮水漿不入口者三日旣葬奉繼母愈謹事
必稟而後行侍膳問安寒暄在視五十年如一日
鄉鄰咸稱之母年八十嘗患胃痛發輒經月展轉

卷之八

孝友

四

床席時崧亦年踰七十躬嘗湯藥衣不解帶疾止
始復常及母以壽終身親苦塊作孺子泣有以七
十不毀勸者其哀愈甚生平篤於故舊有任邨之
誼嘉慶二十一年通判錢鶴年以孝行詳請建坊

旌表

于 續

十四歲童也幼瞽其祖母王爲養一媳甫十一齡
亦王姓嘉慶內子十月其祖母患怔忡續日夜侍
疾爲之摩挲聞人云疾已篤矣夜禱神摸廚刀割

股肉付幼媳調羹以奉祖母服之卽愈問之養媳以實對其祖母慟哭爲撫摩聞者莫不驚歎割痕竟不待醫療自平復通判錢以天性孝成旌之

劉天縉

安里四甲民胞兄弟九人家素貧與弟天統天卓力田養親漸至粗給所置產與諸弟均分三人不自私也縉自以身爲家督力爲諸弟營婚配遂終身不娶統亦後弟晚娶年已八十尚未知裘帛煖也門中食指將盈千賴以得所三人之力其弟天緒天經天全天開天合天輝亦羣相愛敬通判錢旌曰孝友可風

陳詔

恩貢生陳帝謨之子幼嗣其叔廩生帝德賦性孝友好學不倦入學食餼歲貢成均父早逝本生父亦繼亡居喪盡禮祖與祖母在堂竭力承歡俱享大年於繼母生母色養備至督率二弟皆列庠序治家勤儉教子弟以禮法羣從入學食餼者數人家貲旣豐分析財產不計贏縮子九鶴九經孫瑛

瑄皆以樂善好施蒙 上憲旌獎蓋率其任卹之
教也

夏尚趣

字會經號對廬天性耿直事親極其愛敬菽水承
歡無違朝夕上有四兄分多潤少相對怡怡事之
數十年如一日雅嗜詩書至老不倦爲文細潤清
華恪守先正乃屢試冠軍數奇不遇遂屏跡雙乳
山中嘯歌自適不以利祿縈懷人亦未嘗以仕進
勸駕嘉慶十三年舉行鄉飲酒禮通判錢鶴年廉
得其行以禮徵之再拜婉辭不就隨以素履搗謙
旌之其治家整肅處事精詳隱德蓋可風也卒年
七十二歲

劉景簾

雲門舖人少孤力穡事母侍母疾躬嘗湯藥衣不
解帶者五十餘晝夜母疾獲痊家漸小康積而能
散賙濟戚族饑寒曲全里黨善事年踰八旬親見
五世每以義行訓子子陞奉命不違其善事見橋
渡平糶門

邱通理

字中黃號南屏性孝友樂施予積學能文年十九
補博士弟子員屢試輒優等己酉科房薦舉優三
次年近五十甫食餼遂遵例就司訓請 地封建
棹楔平居莊敬自持不趨闐市家多藏書雅嗜涉
獵博見殫聞善畫工詩曾羅散軼不特制藝之雄
焉其讀陝省通志凡有關於漢陰事蹟必飛籤標
識蓋理素有修志之心畱意桑梓也失怙後哀毀
之餘著廬次口述二冊溯宗派貽後昆語語出至

卷之八

孝友

七

性處兄弟以愛敬財產不自私家雖小康積而能
散教匪滋擾難民率多凍餒理視遠近暗給川貲
復以疫癘盛行置施棺木捐書院田建折桂橋修
東嶽廟施綿衣米粥周通緩急洽比親鄰教子姪
以禮法處家以嚴肅太守葉公旌曰詩禮傳家巡
道余公旌曰好善克施及卒子頗克紹家聲疊膺
憲獎

劉大智

幼失怙性純孝力田事母老而不倦年逾古稀其

母卿氏壽九十有四大智竭情事之頗有老萊之
風子二孫六曾孫十二元孫二親見五世一堂壽
八十五歲

卷之八

孝友

八

列女

明

黃氏

陳必琦妻嘉靖時琦病篤黃誓以身殉及琦歿氏治棺營葬囑穿阱者爲二穴旣葬散家財於族人閉戶絕粒十二日而死鄉里驚悼因相爲葬於所治之穴至萬歷時巡按沈奏聞建貞烈坊

常氏

溫閨妻閨家素貧與鄰謝姓同院居正德末謝差

卷之八

列女

九

科無出僮產得廿金被酒遺金後園氏往拾得詰朝謝酒醒覓金不知處忿欲自縊氏急取還之封識如故謝感之因媒合至戚之女妻其子世雄生子訓任部郎人以爲常之報也章邱李太常爲作還金傳

楊氏

夫任讐卒氏年二十六遺子道行甫三月茹哀抱飢育孤游泮孀居四十餘年旌曰振古名節

溫氏

夫魏鳳儀卒氏年二十六遺孤未晬甘貧苦節三十餘載旌曰貞節

白氏

夫溫以恭卒氏年二十三苦節奉姑極得歡心育子承業三十餘年

王氏

生員曾武妻武卒氏年二十四撫孤成立壽七十餘

陳氏

卷之八

列女

十

廩生張世華妻華卒氏年二十七甘貧守節教子

成名

王氏

夫劉仕信卒守節四十餘年

白氏

生員王一鳳妻年二十四守節孝舅姑撫孤子苦節四十年

王氏

生員閔進孝妻二十五歲矢志勵節甘貧撫孤四

十餘年

吳氏

監生藍正元妻元卒氏年二十四姑老家貧子方
繼祿竭力事姑糟糠自甘教子旃成名當事旌曰
孟母遺貞

駱氏

廩生解鶴妻年二十三歲而寡姑老家貧子三秦
方在繼祿氏艱辛事姑甘旨無缺恩勤教子誦讀
成名院道旌表

卷之八

列女

十一

駱氏

夫孟學顏卒氏二十七歲苦志守節本縣給匾旌
之

陳氏

夫藍習卒氏紡織苦節訓子入庠詳請旌曰完節
可風

王氏

儒童胡文煒妻夫卒氏年二十泣血不食母嫂勸
慰志卒不變百日致奠盡哀成禮明晨服始嫁衣

密縫周身縊於樞旁本縣詳申撫批志烈殉夫身
能死節實秉乾坤淑氣永流漢沔芳聲按批雞鳴
助警鸞鏡偶分泉石可隨心已堅於同穴藐孤有
託志遂決於投環珠沈轉見其光綸褒庶傳其烈
萬歷時勅建貞烈坊

陳氏

監生藍敏妻夫卒氏年二十四守節教子三十餘
年四子皆入邑庠族黨推重本縣詳申旌曰節凜
冰霜

卷之八

列女

十二

李氏

義官劉大論妻夫卒氏年二十七貧甘藜藿志勵
冰霜苦節四十餘年本縣詳申旌獎

趙氏

義民藍煽妻矢志守節教子有方旌曰節侔金石

高氏

生員任宗尹妻堅志苦節和熊勵子旌曰雁婦麟

嗣

尹氏

貢生茹上珍妻珍卒遺子鉞方七歲氏苦節教子
成名院道旌曰茹蘗丁丑城陷賊拉媳氏挽之不
得自刎死

蔡氏

義民陳光耀妻幼年苦節教子國典成名旌曰矢
志柏舟

王氏

經歷陳光啓妾少而有色丁丑城陷恐被辱自刎
死

卷之八

列女

十三

郭氏

廩生楊天培妻城陷罵賊被殺於東門外

鄭氏

王道直妻城陷抱女投井死

國朝

鄭氏

生員藍旒妾夫與妻城陷被害氏負嫡遺孤名立
逃出流離萬狀撫若已出教之成名苦節四十餘
年本縣旌曰冰節霜操

趙氏

廩生溫永馨妻夫卒子建春方五歲氏立志撫孤
有欲乘亂相逼者卒不敢犯僮僕田舍皆賴保全
及子成名旌曰柏舟比節

張氏

夫曾述志故氏年二十教子業儒本縣旌曰冰節
可風

胡氏

廩生陳國典妻年二十九而寡子鑒方十歲氏守

卷之八

列女

十四

節教子得入邑庠旌曰誓志靡他

溫氏

業儒郭祚遠妻遠卒無子撫姪守節旌曰貞操可
風

汪氏

夫夏之相卒氏年二十五公姑伯母養生送死賴
以周備

李氏

夫曾法乾卒氏年二十親老家貧遺腹生子守節

孝親撫孤成名題請建坊 旌表

劉氏

庠生尹原焯妻夫卒氏年二十八孝養舅姑撫子
成名題請旌曰清標彤管

吳氏

增生常敏妻夫卒氏年二十一孝事舅姑撫子定
邦入庠

吳氏

生員于爾瑋妻夫卒氏年二十四歲矢志立節教

卷之八

列女

十五

子鵬殊入學食餼以歲貢任狄道州訓導氏卒八
十有六訓導旌曰巾幗完人嘉慶十三年通判錢
請 旌建坊

鄭氏

夫曾愷卒氏年二十一親老子幼氏養生送死教
子如璋入泮苦節四十餘年邑訓導旌曰熊九繼
美

劉氏

夫胡鑑卒氏年二十一辛勤紡績育子鳳起入

苦節五十餘年壽踰七十邑訓導旌曰節堅撫孤

鄭氏

儒童胡玠之妻貢生鄭履和之女也入門時翁與繼姑謝在堂前姑何有母王氏孀且瞽亦養於胡家氏孝養皆能得其歡心越一年翁姑俱卒無何夫亦卒氏年二十遺子未晬姑謝有女僅六歲氏立志敬養何王氏并撫姑女教育孤子永年入庠食餼歲貢苦節五十年邑訓導邱旌曰陶範歐蹤孔旌曰操並霜筠通判高詳請建坊旌表

卷之八

列女

十六

馬氏

夫賈賁卒氏年二十零丁孤苦奉養舅姑苦節四十餘年通判史詳請建坊

張氏

儒童李永盛之妻夫卒氏年二十八孝事翁姑存歿備禮教育嗣子誦讀成名茹蘗懷冰踰四十年通判錢詳請建坊

沈氏

庠生敬鼎之妻翁宏德以歲貢任淳化縣訓導鼎

隨侍於任適姑患腫疾氏奉湯藥晨夕不懈逾年
翁致仕歸未幾翁姑繼逝越三月鼎亦以哀毀卒
時氏年二十七含辛茹荼教育四歲之孤月仙得
係籍博士弟子員苦節四十八年享壽七十五歲
通判錢詳請建坊

唐氏

儒童黃忠相之妻生子盛舉甫六月忠相卒氏年
二十五舅姑皆踰七旬伯翁姑且八十餘家徒壁
立氏當此荼苦矢志守節紡績成家於四老生養
死葬情禮兼得子亦遵例成均苦節四十餘年鄉
里咸稱孝婦通判錢詳請建坊

陳氏

廩生敬豫之繼室故兵陳訓之女也夫卒氏年十
八前室喬遺子未齠所生子友菊甫八月氏銜恤
茹荼養老字孤瓶無宿糧日以紡績供甘旨而自
與二子食麥麩姑見而泣舅聞之亦爲垂涕及舅
赴淳化訓導任姑病在家扶持滌濯躬親其勞無
何姑歿前室子繼亡送老葬殤哀禮兼盡父訓無

子以戍新疆歸迎養於家及卒送死備禮鄉人咸
歎爲無子猶有子也及舅自淳化歸壽八十六邁
疾經年多方調護手製衣衾送終無缺菊亦力率
母訓不墜儒風氏卒年六十九苦節五十年如一
日云

朱氏

廩生楊時生之妻夫卒遺子賢僅十齡家赤貧辛
苦鬻孤里黨有憫而周之者隔簾辭曰未亡人恃
十指母子可粗濟後勿復煩也其厲志如此

卷之八

列女

十八

楊氏

儒童藍紫璉之妻夫家故不豐而能養姑盡孝贊
夫績學至典衣償釵度日終不以家計累夫子無
何夫以積勞卒氏年二十三遺孤田玉方五月號泣
誓以身殉戚屬勸解莫能奪其父庠生廷柱扶病
往諭以殉節不如孝慈始含涕從命迨營葬而家
益困氏鍼黹養姑必以甘旨侍疾送終曲盡孝誠
資子從師日省功課入學食餼訓導李旌之曰勁
節延齡子亦力盡色養因母六十後目忽瞽衣服

飲食寒暄時視厠踰躬滌癸酉選士學使已心貯之竟以無後場罷蓋恐以 廷試違晨昏也觀其子愈知其母之賢云

杜氏

沈孝德妻夫卒氏年二十三孤方三歲氏孝孀姑劬弱子辛勤備至子祖修克承母訓以庠生食餼恩貢禮部其苦節事在雍正初

李氏

儒童茹前基妻夫卒氏年二十三家素貧身勤紡

卷之八

列女

十九

績養姑教子姑老且病氏亦患瘵猶晨夜親奉湯藥姑止之卒不怠姑壽終氏竭力營葬甫四十三歲以積勞卒

陳氏

儒童劉焯妻夫以攻苦積勞卒氏年二十三翁姑老矣遺孤四歲氏痛不欲生有以養老字幼力勸者因強爲視息閱三月遺腹生次子氏有無貳勉奉翁姑以天年終爲二子娶婦無何長子卒遺二孫旣而次子與妻相繼卒亦遺二孫氏撫一寡媳與

四孫心力殫盡現年七十有三孫曾繞鄰督課猶不倦也通判錢詳請建坊

韓氏

鄉飲介賓邱文選之繼室也入門時翁姑在堂夫之二妹在室前室茹遺子崧甫八歲氏力操井臼奉事二親織紵縫裳資二妹嫁於前室一子三女勤劬不啻所生勉崧學問得列膠庠飴含四世壽逾八旬皆以爲孝慈之報云嘉慶二十一年通判錢詳請建坊 旌表

卷之八

列女

二十

岳氏

庠生茹興基妻入門時孀姑先以貞操著氏觀型肅志孝親相夫罔不有儀無何夫卒氏年二十四子僅垂髫辛勤教育雖以貧廢讀恂恂有儒風焉氏現年七十四

于氏

庠生溫普妻歸普時年十六越十二年而普卒氏觸棺流血誓以身殉親族以孝翁鞠子大義責勸勉強抑割奉舅教子翁八十七歲以天年終二子

亦先後游泮太常博士劉題曰柏節松齡邑訓導
邱題曰懷貞履潔以旌之

王氏

儒童張九鵬之妻夫卒氏年二十有四子士茂尚
未齠家復婁氏艱辛拮據爲娶妻生子無何士茂
又卒弱孫景山瑩瑩相依及壯以從戎列武弁訓
導雷題以冰心鶴筭駐防把總任題以期頤壽母
卒時年九十六

沈氏

卷之八

列女

二十一

業儒曾偉之妻夫卒氏年二十三遺子捷科方四
齡家無擔石氏竭力摒擋艱難萬狀子旣長無力
資學惟力田以養不數年氏已逝通判錢旌曰貞
操永垂

曾氏

廖孟亨妻夫卒氏年二十子必發生方五月氏躬
紡織操井臼育子成人今且抱孫家亦小康孫如
岡以從九需次吏部通判錢旌以全貞壽永

羅氏

沈祖能妻夫卒時氏年二十二遺二孤家貧子弱
氏挑菜拾薪紡績以育猶不免飢凍而族人與嫂
謀奪氏志卽剪髮誓死族黨義之資粟助錢其困
稍紓及子長教之力田各能成立通判錢旌以柏
節松齡

朱氏

胡信瑗妻夫卒時長子方五齡卒之十八日而遺
腹次子生氏號泣欲以身殉者屢矣族之長者責
以撫孤遂飲泣吞聲以紡績鞠子長子長治已游

卷之八

列女

二十二

泮次子亦應童試

何氏

庠生鄺朝經妻夫卒子廷瑞方四齡翁姥在堂氏
營奉親含藥教子旣而家漸小康子旣通籍成
均孫五人敞亦名列武庠曾孫十八元孫五通判
錢旌以五世同堂

羅氏

趙宗尚之妻潘氏其子婦也宗尚卒氏年十八卒
後四月遺腹生子祖華氏上奉翁姑下撫呱子備

極辛勤子既長爲娶潘氏子復以刻意誦讀遘疾
逝閱兩月遺腹生孫世錦姑媳兩寡相依苦節撫
孫羅今六十三歲潘四十三歲通判錢旌以一門
雙節

成氏

儒童李葆醇妻夫卒氏年二十三子端五歲姑在
堂氏殫力營葬養老字孤鍼滯資子學姑歿葬後
家貧乃使子棄讀而耕苦節四十六年今六十九
歲

卷之八

列女

二十三

曹氏

劉文秀妻夫卒氏年二十二家貧姑老身又無出
氏枕尸長號誓欲同死姑曰婦輕生忍令我無依
吾子不祀乎乃飲泣強治喪立堂侄漢統爲嗣紡
績針指養姑育子俾姑得終養夫不乏祀皆氏苦
節所致也

茹氏

儒童張錚妻夫卒氏年二十四遺腹未生痛欲身
殉諸娣妣喻以死易存祧難始含哀治喪閱六月

生子詠紡績鍼黹以育子苦節四十八年今七十
一歲

許氏

故歲貢生常立剛次子則寬之妻也立剛卒繼室
路氏於嘉慶丙子秋邁疾服藥罔效越數月愈篤
醫告技窮十一月朔旦氏禱神割股進姑服之果
愈通判錢以敬事姑嫜旌之

張氏

張隆勲之妻夫卒時氏年十九子雄生甫三月氏

卷之八

列女

二十四

慟不欲生姑泣勸以養老恤孤氏勉從之而田園
典質已空氏焦勞績紡捃摭營積數年皆復現年
六十八

黃吳氏

堰坪東溝河人家貧能孝翁姑嘉慶丙子閏六月
姑患喉閉嗑不容滴氏叩天祈祐割左股肉爲湯
奉姑即下咽通判錢旌曰盡孝完貞

曾羅氏

江西人遷居堰坪黃龍洞其姑王於嘉慶丙子夏

患腰疽醫莫能治氏於七月五日祝神割左股肉
和雞子湯進姑食之而愈通判錢旌以克盡婦職

曾氏

雲門舖民劉鵬山之妻生員元超之母也性勤儉
慈祥婦職母儀無不克備撫一子教訓特嚴故元
超得列增廣生員本以相夫刀田致小康獨積而
能散 邨鄰里貧乏無吝色常以是訓其子故元
超於嘉慶癸酉薦饑之歲平糶施衣得蒙樂善好
施之旌皆母氏之遺教也孫四皆入庠其次以

卷之八

列女

二十五

恩貢就州判籍吏部其四亦食餼曾孫十爲博士
弟子者二元孫九氏以嘉慶十二年卒享年九十
三身見五世一堂元超今現年八十氏一女適危
氏亦八十有六耆壽聚於一門積善餘慶豈非然
哉

彭氏

庠生楊顯瑜之妻以乾隆十九年歸楊氏越六年
顯瑜卒遺子德甫晬氏誓欲殉夫翁姑泣諭曰我
二人風中燭也 且呱呱媳一殞烈則烈矣孝

無乃缺乎氏乃飲泣營喪事而 貧 紡績綿
縷三數斤并典質翁姑老具始克蕝事既葬而家
愈窘年復荒氏採薪捋茶貨之得數十鍰爲麪食
奉翁姑而以餘錢買麩 與子同食翁姑賴之幾
忘喪子之戚及卒稱家有無儉而中禮德長能負
薪作苦之餘母以紡績課夜讀得入庠爲增生養
老育孤三十餘年艱辛備歷

劉 氏

廩生陳帝德之妻夫卒時氏年二十有五翁姑在

卷之八

列女

二十六

堂身無血屬痛不欲生旣又念孝養莫供夫祀莫
承乃撫伯氏之子詔爲嗣辛勤幹家潔奉滌灑撫
嗣子愛踰所生而督課則嚴詔因以力學致歲薦
一門羣從青衿連肩皆教育之力也自乾隆甲午
士紳祝七十節壽今又四十餘年矣茲復公舉云

成 氏

生員劉振鼎之妻年二十八而夫卒遺子錚九歲
紡績資讀錚得列武庠爲娶陳氏數年錚又卒遺
孫遇隆甫四歲兩寡相依含蘖撫孤遇隆亦籍

士弟子署通判朱恂以貞壽女宗旌之蓋姑婦雙節也

喻氏

軍功給訓導銜吳型典妻也型典以嘉慶二年領鄉勇剿賊洵陽病卒時氏年二十八俯仰無依飢寒交迫矢志靡他奉夫禋祀苦節已踰二十餘年

王氏

李嵩年之妻年二十六而夫卒翁老孤時盛甫三歲家赤貧以紡績奉舅字孤不致凍餒爲子娶其

卷之八

列女

二十七

兄女生孫可羨甫晬而時盛復亡媳甫二十四歲泣謂媳曰未亡人所以含荼茹苦者爲養老撫孤也今孫甫咳而吾子又不幸李氏之不絕如綫矣柰何媳卽矢志奉姑撫子嘗嘆曰一門雙嫠婦母孫僅三人真相依爲命者也氏卒年八十七可羨有子四人其母今七十四歲

路氏

庠生劉漢棟之妻夫卒氏年十九歲子大蓄甫九月事翁姑克盡誠敬撫幼子遵例成均夫兄嫂早

逝氏撫姪如子清操苦節壺範可風守節五十餘年壽七十四歲

彭氏

軍功彭玉興之女年十四時父素有氣痛之疾一月數發痛不可忍醫告不效女乃暗割左股雜藥餌以進疾立愈鄰里嘉之

廖氏

羅本正之母夫春芳外出氏孝事翁姑二十年如一日婦道而兼子職懿行足式現年八十四歲

卷之八

列女

二十八

李氏

楊夫白之妻苦節清操課子訓孫親見四代現年七十歲

畢氏

義民舒子賢妻夫卒氏矢志冰霜操持家務教子達政嚴明成立好善樂施隣里稱一鄉之率

楊氏

舒子耀之妻文童達聰之母也課于訓孫克勤克儉節孝兩臻母儀可範

許氏

已故監生舒運禧之妻也居雙河口嘉慶三年三月聞賊張漢潮至攜其二女同侄達才侄孫世興及鄰人黃盛明何元吉何友益避之適遇賊遂被擄賊見二女少艾聲言欲妻之二女佯諾隨之行至魚洞子長女忽投崖死賊方驚顧次女與許氏繼之達才世興黃盛明脅從不屈皆被害元吉友益乘間得脫歸述其狀如此云

張氏

卷之八

列女

二十九

李致言妻事詳致言傳

丁氏

楊朝柱妻朝柱與從兄朝佐同居賊至朝佐以護母死賊又脅丁氏從行氏號哭罵詈賊怒殺之拜殺其二子一女及幼媳何氏楊氏男女死賊難者凡六人

蕭氏

儒童王斯壽妻居雲門舖斯壽從師肄業城中氏生一女尚未晬嘉慶五年閏四月賊阮正統突至

見氏少艾逼令騎從氏曰我良家婦豈從汝耶有
死而已強之罵益烈賊怒攢矛刺之死賊退斯壽
歸見妻屍猶抱幼女如生時

右自許氏以下共四烈婦二貞女嘉慶十五年通
判錢鶴年查明實蹟作傳牒府轉詳撫憲董名教
增給碧血如新匾額卽於是年建坊東郊通衢備
列姓氏設位入節烈祠

卷之八

列女

三十